

von Wulf Wager

Goucho Thierse



Jede Woch wird a andere Sau durch's Dorf trieba. Mein Ähne hot äwwl gsait: "Guck dass de net so oft en dr Zeidong kommsch, schonscht putza sich d' Leut dr Arsch mit Dir!"

I wett net wissa, was passiert wär, wenn onser Fuaßballnationalmannschaft net Weltmoischtr worda wär. Ich glaub amol, dr Löw ond seine Buaba hättat se en ihre Gazetta vrrissa. Jetzt sen dia Kerle aber vrdient Weltmoischtr worda ond hen des ge-

bührend gfeiert. Klar, ob der Gouchotanz needich gwäa isch woiß i au net, aber die Kurzhosmillionär hend a sensationelle Leischtung brocht, ond des sott em Vordergrund standa ond et der Gouchotanz!

Aber des isch jo scho wieder Schnai vo geschtern. Denn jetzt grad wird dr Rauschezausebart Thierse durch die Gazetta gschmiert. Der Schwobahasser hot sich jo vor anderthalb Johr über dia viele Schwoba en dr Bundeshauptstadt ausglassa ond dodrfier ordentlich Prügel ei'gsteckt. Deshalb hot onser Landtag den Kerle au net als Feschtröner für des Jubiläum 25 Jahre Mauerfall wella. Ischo jo vverständlich. Der soll in Berlin schwätza ond net bei aos.

Ich mecht sowieso amol wissa, wia's en Berlin auseha dät, wenn do net soviele Schwoba schaffa dädat? Vielleicht sottat dia Berliner en Schwoba zom Schef von ihrem maroda Flughafa macha. No wär der en a paar Monat fertig ond drontr no en blitzsaubrer Bahnhof

Bis näggschd Woch'
Ihr

Alle Kolumna zom Nochlesa
ondr www.woascht.de
odr em Facebook em
Wulf Wager Fanclub

